

Ebe ni a keke ghi egbo Iburu Eni e miesuo

Ungmemhi oyi Eshinegba ni o rote obo oyi Omiqli bhale

¹ Agbo-ndede, ebubu egheghe ali ode ododa Eshinegba o te ri emekeguele nu ititawa ngme.

² Ama omiqli ni o ze ni o le ugu emhikpa o ke ro nu awa ngme ogbele ikpukhokho ni awa la memena. Obo oyoli o gbo rote ma agbo

³ Loli o ri ufumhi oyi Eshinegba khasa. Eri o gbo li abi Eshinegba o li tee. Loli o ri ungmehi ni o tsua ekpabo oyoli mu agbo nya mholi. Abi o ro khuse awa olamhe-a se, o shito ukiokie obita na Eghiele oyi Eshinegba ni o mholi ekpabo ni o fune nya.

Ufumhi oyi Omi Eshinegba

⁴ A ri oni omiqli fu dose igeni abi eva ni Eshinegba o ro na li o li fu dose oyewe.

⁵ Ageni onoghwo Eshinegba o tigbe lie oli,

“Omimhe u khi
amo mhi te khi Ita?”

Ali onoghwo o gbolo oli;

“Mhi ya khi Ita e,
yeye u khi Omimhe?”*

⁶ Ama abi Eshinegba o ro ya ghie Omiqli oghwo kpe je elemhi agbo, oo,

“Igeni eyi Eshinegba nya

* 1:5 Li ze Iwolo 2.7; 2 iSam 7.14; 1 Okhe 17.13

e mema nyẹsẹ ukhomhi ga li.”†
 7 Abi ọ rọ ọ ngme ingme oyi igeni, ọọ,
 “Ọ ma igeni eyoli
 abi akpekpeli,
 ọ ma eni ẹẹ ga eyoli
 abi ẹlẹmhi ẹrẹ.”‡
 8 Ama abi Ẹshinẹgba ọ rọ ọ ngme ingme oyi Omiọli,
 ọọ,
 “Ẹshinẹgba u khi!
 Omhẹsẹ oye,
 agbọagbọ o ya la ọ.
 Ipfuasẹ ali igesikia
 u rọ ya ke mhẹsẹ
 na ẹgbọ eye.
 9 Ipfuasẹ u nono,
 ingmobe ọa ghọle ẹ,
 irarighọ Ẹshinẹgba u khi!
 Ẹshinẹgba oye, ọ she rẹ
 fu dọsẹ etu-ẹ,
 itobọ khi ọ ri
 oili oghẹlẹ to ẹ ukhomhi.”§
 10 Ọ gbolo liẹ,
 “Yẹyẹ Ọnọmhue,
 rọte igbaekele,
 u te ma agbọ.
 Abọ eye u rọ ma ukhuli.
 11 Wẹwẹ nya e ya pfua,
 ama yẹyẹ u kiele ẹ la ọ.
 E ya taa abi itsua ni a sọ.
 12 U khili wẹ abi ide,
 e ya ọghię abi a liẹ

† 1:6 Li zẹ iDẹut 32.43 ‡ 1:7 Li zẹ Iwolo 104.4 § 1:9 Li zẹ Iwolo 45.6,7

oghie itsua ni a so.
Ama abi u li u kiele e li,
agbo oye o a tigbe
ya mholi ukpese.”*

¹³ Ageni onoghwo Eshinegba o tigbe lie oli,
“Shito mhe ukiekie obita omhese,
ramhi ni mhi ro ya ri ebe e
mele ukpekhome akphawe-nga oye-a?”†

¹⁴ Oa khi iyemhe eni ee ga Eshinegba igeni nya e
khi, ni Eshinegba oo ghie e ke ga eni e ya le ugu
imiepfuese?

2

Ukpokpomhi imiepfuese

¹ Irarigho a ze ni awa lolo mu igesikia ni awa suo
mhue, ini a khi tsua awa ibe vu.

² Irari khi ini usomhi ni igeni e bhale ya guele, o
khi egbegbo, ni a ya na egbo ni ea roli gbe akanya
osoli to shi;

³ se e awa li ya pfue oni osoli ona, ini awa ri eloe
gbe ukpokpomhi imiepfuese oghoghoo ni Onomhue
lolighuo o te odode gue le, ni eni e suo li, e gueye
anye khi igesikia lo?

⁴ Oni usomhi ona ni Eshinegba o gbo ri olele, ali
ikanya oshabo ali onyaloa ododa ze otsele shi, li shi
isomhopfa eyi Ayemhe-no-pfuase ni o kemhi abi o
li ghole oli shi.

Ijesu o bhale agbo abi o gbo

⁵ Eshinegba o a ri omhese oyi agbo ni oo bhale nga
igeni obo, ikhi agbo ni awa ngme ena.

* **1:12** Li ze *Iwolo 102.25-27* † **1:13** Li ze *Iwolo 110.1*

⁶ Ama, a mhọli ashini a ngme ọli shi elemhi Ebe-no-pfuase, ni ọọ.

“Elo ọgbọ fe khi,
ni ingme oyọli o rọ na mu
yeye Eshinegba egbe,
elo ọ khi ni u rọ
lina ri ọloe ẹ khu ọli?”

⁷ U ma li kpọkẹ
na igeni dẹnẹ,
u ri ufumhi
ali ekpẹ rughu ọli,
u rọli loghie nga
emini u ma nya.

⁸ U rọli loghie
emhi nya.”*

Eshinegba ọ she ri emini ọ ma nya na li ọ rọ ke mhẹsẹ shi. Ọa kesẹ emhikhọghuo le ni ọa rọ shi ọli omhẹsẹ. Ama memena, awa aa kie mẹ eni emhi nya pfo ne ni ọ rọ nali ọ ke mhẹsẹ shi.

⁹ Ama iJesu awa a mẹ, ni a kpẹ ma kpọkẹ na igeni ukuku ọ dẹnẹ. Ọni a ri ufumhi ali ekpẹ rughu memena itobọ eghuli ni ọ ghu. Ighọ lọ, okhale oyi Eshinegba o rọli ghu-a na ẹgbọkpa.

¹⁰ Ni Eshinegba, ni ọ ma emhi nya ni ọ mu wẹ mhọli, ọ mẹ asha ri oni ufumhi ona na ebubu ẹgbọ, ọ rọ ri iJesu khi ọni ọ gba pfo rọte osoli ni ọ mẹ. Irari khi iJesu ọ rẹ ẹgbọ nya bhale imiepfuese.

¹¹ Ghe ọni ọ ri ẹgbọ pfuase ali eni a rọ pfuase nya, unuekpẹ oghuo e ke ga khi. Lọli o zẹ khi omama ọa mu iJesu ni ọ rọ lu wẹ inyọghuo.

¹² Ọọ Eshinegba,

* **2:8** Li zẹ *Iwolo 8.4-6*

“Mhi ya gueye
 inyoghuo-mhe
 emini u she rieḷe,
 Mhi ya la ilegba oyewe
 to uwolo ikueghie oye.”†

13 O gbolo e,
 “Mhi ya regbenga
 Eshinegba.”

O gbolo e,
 “Ghe mhemhe ali eniye
 ni Eshinegba o ro na mhe.”‡

14 Aborokhia khi imi Eshinegba, egbo ni e ze
 idiegbe ogbo ali oḷia e khi, loḷi iJesu Omiḷi o ro li
 mele ogbo ni o mḷi idiegbe ali oḷia-a. Eri o lina ini
 o me asha rote eghuli ni o ghu pfuse Okphaghie-a ni
 o kpe mu ekpabo oyi eghuli mhuē,

15 ni o me asha pfuese egbo ni ulishi eghuli o o
 mu eḷekheḷe.

16 Egbegbo lo khi o a khi igeni o bhale ya kpaghie
 obo, ama imimi Aburaamu.Š

17 Itobo ona a ro roli li abi inyoghuo oḷi nya
 odekhode. Ni o me asha khi Okpodalo-ugamhi oyi
 Eshinegba ni o kpeda nya, ni o mḷi igesikia ali
 ilelemhi shi elemhi ugamhi oyi Eshinegba, ni o me
 asha shishi olamhe eyi egbo-a.

18 Irari khi o li me osoli abi a ro mu oḷi fe, o li dobe
 e kpaghie eni a lili e muḷe obo.

3

Ijesu o fu doḷe iMosisi

† 2:12 Li ze *Iwolo* 22.22 ‡ 2:13 Li ze *Aza* 8.17,18 Š 2:16 Li ze
Aza 41.8-9

¹ Irarigho, inyoghuo-mhe ni Eshinegba o ze ni e khi egbo ni e pfuase eyoli, a sa ingme oyi iJesu ni awa lui aghiusomhi na kee, ali Oga oyi ekpodalo ugamhi nya.

² Eri o ri igesikia deba Eshinegba, ni o ze oli o ke gbe akanya eyoli, ezeze abi iMosisi oni o o ga o li ri igesikia gbe akanya elemhi Owa oyi Eshinegba.*

³ A she me khi iJesu o mhuẹ imuẹloẹ ni o fu doşẹ oyi iMosisi, ezeze abi atsona o liẹ mholi imuẹloẹ ni o fu doşẹ owa ni o to.

⁴ A kie kpe lese khi ogbo o o to owa kpa, Eshinegba o ma emhikpa.

⁵ iMosisi o khi ogbo igesikia elemhi Owa oyi Eshinegba abi oni o o ga. Akanya ni o gbe o khi otsele oyi igesikia oyi emini a ya ngme ogbe na ako.

⁶ Ama iKirisiti o khi Omi Eshinegba ni o mhesẹ e shi Owa ugamhi oyoli. Owa oyoli awa khi ini awa da kie mu igbedu ali irudushi oyawa ni awa regbenga mhuẹ ne.

Iyemhe na a ro na Egbọ eyi Eshinegba

⁷ Irarigho, abi Ayemhe-no-pfuase o ngme, ni o o,

“A kha suo uruli

oyi Eshinegba amo,

⁸ a khi zese udu-a,

abi eni e bia e e li

egheghe ni e ro o riẹ

umha-sueso deba Eshinegba.

Egheghe ni a ro la

odagbe ifufu mu we fe,

⁹ ikhi obini ita e e la

mu mhe fe, mhesẹ mhe bino,

* **3:2** Li ze iNoba 12.7

e mę emini mhi rięę
elemhi ikpe egbhueva

10 Lọli o zę ni elemhi e rọ bi mhe
deba oni agbhotu oghọ,
ni mhi rọ lię, ‘Eghęghę kpa
udu oyęwe o rọ rẹwe lo ebuli,
ęa lese ode eyemhe.’

11 Irarighọ, mhi rọ ri
elemhi-ibibi shi-ęmuę lię,
‘Ęa ya tigbe lo
iyemheya oyemhe.’ ”†

12 Inyoghwo, a mu egbe ę ini ọngę ę ọ khi mholi
udu umha-miesuo, ni ọ ya lase ode oyi Ęshinegba
ni ọ la ọ le.

13 Ochoghọ a ke ye egbe ę ude, itobọ khi, “Amo.”
Oni ęghęghę o kie la ọ, ni a rọ ọ mu pfi, ini udimhi
ni olamhe ọọ di ọgbọ o khi ri ọngę ę zese udu-a.

14 Eni e kuma iKirisiti ọ awa khi ini awa lolo
mu igbedu ni awa rọte eke mholi mhue ya ramhi
ukpese.

15 Abi Ebe-no-pfuase o ngme.

“Ini u suo uruli
oyi Ęshinegba amo,
a khi zese udu-a,
abi eni e bia ę e li
ęghęghę ni e rọ ọ rięę
umha-sueso deba Ęshinegba.”‡

16 Eghuo e khi eni ęgbọ ni e suo uruli oyi
Ęshinegba ni e rięę umha suo esọ deba li? Ọa khi
eni iMosisi ọ rọte eke ijipiti rue lasele?

† 3:11 Li zę *Iwolo* 95.7-11 ‡ 3:15 Li zę *Iwolo* 95.7-8

17 Eghuo ọ biselemhi deba ikpe egbhueva? Ọa khi eni e lamhẹ, ni e ghuloa shi ọdagbe ifufu?

18 Eghuo Ẹshinegba ọ shi ẹmuẹ deba khi ẹa ya tigbe lo iyemhẹa, ọa khi eni ẹa suọ esọ na li?§

19 Irarigho, awa mẹ khi itobo umha-miesuọ oyẹwẹ ẹa rọ doḅe lo.

4

Iyemhẹa ni a shobo na egbo eyi Ẹshinegba

1 Aborokhia khi ishobo ni awa rọ ya lo iyemhẹa khi o kie la ọ, awa mu egbe awa ini o khi de onḡe ẹ obọ-a.

2 Awa she li suọ oni usomhi onete abi wẹwẹ e ke li suọ ọli. Ama oni usomhi ọa mu wẹ ẹloe irari khi ẹa ri irudunga mie ọli.

3 Awa ni awa mhue irudunga, awa ya lo oni iyemhẹa. Ama eni ẹa miesuọ, Ẹshinegba ọọ liẹ

“Elemhi ibibi
mhi rọ shi-ẹmuẹ,
khi ‘Ẹa ya tigbe lo
asha iyemhẹa oyemhẹ.’ ”

Aboriekhia rọte abi ọ te ma agbo ọ te riẹḡe oni iyemhẹa ona shi eke.*

4 A ngme na shi Ebe-no-pfuase abi ọ rọ ngme ingme ogbeḡe onuzi-ishilua khi, “Ẹshinegba ọ yemhẹ ikanya-a nya-a ẹḡenizu-ishilua.”†

5 A gbo ngme oni ingme onana khi. “Ẹa tigbe ya lo iyemhẹa oyemhẹ.”‡

§ 3:18 Li zẹ iNọba 14.1-35 * 4:3 Li zẹ Iwolo 95.11 † 4:4 Li zẹ Igbae 2.2 ‡ 4:5 Li zẹ Iwolo 95.11

⁶ Elese e laọ ni a ya ri eghẹghẹ na ni e rọ lo oni iyemhẹa. Irari khi eni e kpẹ suọ oni Usomhi Onete ẹa lo oni iyemhẹa ogho, itobọ khi ẹa miesuọ.

⁷ Irarigho, Eshinegba o rọ gbo ri ẹlelese shi eke ni a rọ ya lo iyemhẹa oyọli, ni o lu Amo. Ezeze abi o rọte unu oyi iDefidi ngme oli ẹlelese abi a kpẹ li ngme oli, ni oọ:

“A kha suọ uruli oyọli Amo,

a khi zese udu-a.”§

⁸ Ini iJoshua o rọ ri iyemhẹa na wẹ lo, Eshinegba o a kha gbo te ikpukhokho ri ogbele olese shi eke na wẹ.*

⁹ Abi o li ena, Ogbele iyemhẹa o kie la o, ni egbọ eyi Eshinegba e la yemhẹ-a

¹⁰ Itobọ khi oni o da lo iyemhẹa oyi Eshinegba ne, eri o li yemhẹ ikanya eyọli-a, abi Eshinegba o li yemhẹ eyọli-a.†

¹¹ Irarigho, awa roshẹka ini awa dobe lo oni iyemhẹa ogho, ini awa khi de itobọ khi awa khonya wẹ riele umha-sueso.

¹² Irari khi eri ungmehi oyi Eshinegba o mholi agbo, o o gbe akanya. O mu dose itakobi ozalo eva kpa, ni o o gbeso lo o gbo udu, o khueghie oli-a, ni o o guanọ emini e la usamhi ali ayemhẹ, o gbo li gbeso lo ikpesẹ ali ikhoro na elemhi igua. O dobe e khueghie ingeli ali isamhi na ekelemhi udu-a.

¹³ Emhikhoghwo o a la emini a ma nya ni o sheli shi oli o. Eri emhikpa e na khueghie-a shi ukpeloe oyi Eshinegba, ikhi oni awa ya ri abo khasẹ abi awa li gbe.

§ 4:7 Li zẹ Iwolo 95.7-8 * 4:8 Li zẹ iDeut 31.7; iJosh 22.4 † 4:10 Li zẹ Igbae 2.2

Ijesu o khi Oga Okpodalo-ugamhi Oniemhi oyawa

¹⁴ Irarigho, a ze ni awa lolo mu irudunga ni awa mholi mhuẹ, abi o ro da khia khi awa mholi Oga oyi ekpodalo ugamhi ni o Funẹ ni o she je odalo oyi Eshinegba. Loli o khi ijesu Omi Eshinegba. ¹⁵ Oa khi Oga oyi ekpodalo ugamhi ni oa ya lelemhi awa shi emini awa do-a rieḷe. Ama oni a she mu fe abi awa, odekhode o khi, ama oa tigbe lamhe.

¹⁶ A ze ni awa ri igbedu ti deba Eshinegba ni o mholi isomhelemhi. Agho awa te ya mie ilelemhi ali isomhelemhi ni o ya kpaghie awa obo eghẹghe ni awa ro o nono ikpaghiobo.

5

¹ Oga oyi ekpodalo ugamhi, ni a da rote elemhi egbọ ze kpa, eri a ze oli ni o ke migha na we ingme ugamhi eyi Eshinegba. Ni o ke rieḷe irona ali iluasobo na we shi olamhe eyewe.

² Ofie o roo deba eni ea lese emini aa li, ni ee da ode, itobo khi loli o li mholi ode ni oa te li gba pfo.

³ Onana o ze khi egboli o kpe luasobo a na shi olamhe eyoli, neni o luase na egbọ nya shi olamhe oyewe.*

⁴ Ogbokhoghuo, oa ya rue oni okhale ona ni a ro lu ogbọ shi Oga oyi ekpodalo ugamhi. Eshinegba lolighuo tse oo lu ogbọ, o roli khi Oga oyi ekpodalo ugamhi, ezeze abi a li lu Eroni.†

⁵ Igho iKirisiti oa li mie oni okhale ro lu egboli Oga oyi ekpodalo ugamhi. Ama Eshinegba oo li, “Omimhe u khi, Amo mhi te khi Ite.”‡

* 5:3 Li ze iLev 9.7 † 5:4 Li ze Okiali 28.1 ‡ 5:5 Li ze Iwolo 2.7

6 Ọ gbo ngme ọli shi ashese,
 “Okpodalo-ugamhi ọyi Ẹshinẹgba
 u khi agbọagbọ,
 ẹzeze ọnabi iMẹkizẹdeki.”§

7 Abi iJesu ọ rọ la agbọ, atsesẹ ali iku-ame-ewie
 alo iJesu ọ rọọ sọ iromhi lema Ẹshinẹgba, ọni ọ kha
 tsumhi ọli obọ eghuli. Itobọ khi eri ọ ri egbọli
 tiemhile, ri egbọli na Ẹshinẹgba pfo, lọli ọ rọ suọ
 iromhi eyọli.*

8 Abi o riẹ khia khi Omi Ẹshinẹgba ọ khi, osoli ni
 ọ mẹ, o rọli wẹna isuesọ na Ẹshinẹgba.

9 Abi a rọ rọli gba pfo se, obọ oyọli eni e suọ esọ
 nali e ke rọte mhọli imiepfuese na agbọagbọ.

10 Ẹshinẹgba ọ zẹ ọli Ọga ọyi ekpodalo ugamhi,
 ọnabi iMẹkizẹdeki.

Ọgbọ khi pfi irudunga ona shi eke

11 Emhi ebubu e la ọ ni awa ya ngme shi eni
 ingme enana, ama o ma a munu ni a rọ zọlọ wẹ-
 a lo ẹ esọ, itobọ khi aa mhọli ọghuẹmhẹ ni a rọ suọ.

12 Abi o riẹ khia khi a she ramhi eni ẹẹ esẹsẹ
 ẹgbọese, ni a rọ kie khi eni a sẹsẹ owẹna eni odode
 eyi ingme Ẹshinẹgba eghọ, ẹnyeli o ti ẹ egbe a tẹ
 eminale ni o toto ne.

13 Ọnini ọ da kiele ẹ nye ẹnyeli ne, eri ọ li abi ọmọ
 ni ọa lolo mhọli ileşẹ shi osẹsẹ iguẹ-ngeli.†

14 Ama eminale ni e toto, eni e womhẹ ẹloe ẹẹ
 le. Ikhi eni e ri itobọ eni eminale ni e toto ni ẹẹ
 le ẹghẹghẹ kpa leşẹ ikhioda shi emini o migha shi
 onete ali onobe.

§ 5:6 Li zẹ *Iwolo* 110.4 * 5:7 Li zẹ *iMat* 26.36-46; *iMak* 14.32-42;
iLuk 22.39-46 † 5:13 Li zẹ 1 *iKọri* 3.2

6

¹ Irarigho, a ze ni awa je odalo shi osese ni e womhelo e ni awa pfi osese ni a ro gba ingme eyi iKirisiti eke le. Awa khi ke gbo tiemhi eke je osese ena imupfi rote ikanya ebe lasela, ali osese ena irudunga Eshinegba,

² ali osese ibatizi, ali irobo-nga ogo egbe, ali irote eghuli guale oyi eni e ghua, ali osese oyi iguezo ni ogo la je obini o ya la agoago.

³ O kha ghole Eshinegba awa ya je odalo elemhi owena.

⁴⁻⁶ Ego ni e she kpe me akpa, ni e she kpe mie isomhopfa oyi iloghie ghue, ni e kpe mie Ayemhenon-pfuase, ni e she lese onete ni o la ungmehi oyi Eshinegba ali ekpabo oyi ago ni oo bhale, ni e tigbe tsua irudunga oyewe pfa, oa ke ze e riela ni a dobe nyene we gbolo bhale imiesuo, aborokhia khi eri e she gbolo ta Omi Eshinegba ma apfida utonuzi-eva, ri omama mu oli gboo.

⁷ Eri awa ego awa li abi eke. Ini ame o ru e shi eke ni emhi ekomhi e ro ze na oghiale, ikhivose oyi Eshinegba o khi.

⁸ Ama ini o ze igba ali ebuli-a, ogo oa mholi emini a roli ya riela, o ya la okhena ipfiunu-a oyi Eshinegba ali khi a ya ri erali tose oli-a.*

⁹ Emole mhe, ini anye rie lina a ngme i, anye lese khi oa khi e e o nu ngme, anye lese gboo khi emini e ti egbegbo a riela, enabi ego ee riela ini a mie we e pfuese.

¹⁰ Eshinegba oa ya gbe ogo azeba. Oa ya yele ikanya ni u gbe-a ali inono ni u rokhase khi u nono

* **6:8** Li ze Igbae 3.17-18

ọli abi u li ri ikpaghiobo na egbo eyoli ni u kiele e kpaghie we.

¹¹ Anye e nono ni ogbogbo o mu omuegbe ni o mholi mhue ya ramhi ukpese, ni o rokhase abi irudushi oyoli o toto ramhi.

¹² Anye ea nono ni a mele ewaza-a, ama ni a ke khonya eni e rote irudunga ali irobomudu mie ishobo oyi Eshinegba.

Ekha oyi Eshinegba o ya fiakua

¹³ Abi Eshinegba o ro tse ekha na Aburaamu, Eshinegba o romhi egboli aborokhia khi ogboese o ke gbo fu dose oli ni o ke ya romhi.

¹⁴ Oo li, "Mhi mema ya khi vose ne, mhi ya re mholi eniye ali imi-imi ni e bu."†

¹⁵ Aburaamu o ri abo mu udu, irarigho o me emini Eshinegba o ro tsekha nali mie.

¹⁶ Ini ogbo o tse ekha, ogboese ni o fu dose oli oo romhi ni o mu oni ekha migha, egheghe akhokhomhe o ke la o, oni ekha o migha.

¹⁷ Eri Eshinegba o romhi isheli ro roli khase eni o tse ekha na gboo, khi emini loli ro tse ekha khi loli ya riele oli, khi o ya fiakua.

¹⁸ Irarigho, Eshinegba o ro ri emhi eva ena shi eke; ekha ali isheli ni o romhi. Eni emhi eva ena ea ze mupfi irari khi Eshinegba o tigbe ya lo egboli ghue. Irarigho awa ni awa she na deba li shi akhukhu, awa ya mholi iregbeda abi awa li mu irudushi oyoli ni o la odalo mhue.

¹⁹ Eri oni irudushi ona o li abi azu ni o toto ni o migha gbaa, ni ayemhe oyawa o mhue. Onana o ri awa dobe dose ode ugbakpi ni a ro pfa ode ni

† 6:14 Li ze Igbae 22.16-17

o lo ashini o pfluase ne nya-a.‡ 20 Ijesu o she ralo itobọ oyawa, o mele Oga oyi ekpodalo ugamhi na agboagbo-a, onabi iMekizedeki.§

7

IMekizedeki okpodalo-ugamhi oyi Eshinegba

¹ Oni iMekizedeki ona, oghie oyi eoli iSalemu o khi, o gbo khi okpodalo-ugamhi onayi Eshinegba ni o Yagha ne nya. Abi Aburaamu o ro rote okholi ni o la gbe ighie okholi jele, iMekizedeki o ya ee oli ode, o so iromhi khivose na Aburaamu.

² Igho Aburaamu o rote itsua ni o rote okholi ti nya ze aze-oghuo-igbe na li. Emini a ri iMekizedeki ngme khi, “Oghie Igue-ngeli,” emini a ri oghie iSalemu ngme khi, “Oghie opfomhe.”*

³ Oa mhue ita wekhi inyo, wekhi eri o mholi unuekpe ni o te lasele, wekhi eri a mhue ashini a kekpe abi a li bia li ali abi o li ghu-a shi. Abi Omi Eshinegba, Okpodalo-ugamhi oyi Eshinegba na agboagbo o khi.

⁴ Waá me ashini o fu ramhi. Egbegbi Aburaamu oni o gba ushishi egbo iZireni eke le, o ze aze-oghuo-igbe epfue ni o tsua rote okholi ni o ye na li.

⁵ Eri ushi oo Imi iLiva ni e khi ekpodalo-ugamhi eyi Eshinegba e ke mieno egbo iZireni ni e khi inyoghuo we, aze-oghuo-igbe, aboriekhia khi imi-imi Aburaamu e ga khi.†

⁶ IMekizedeki oa khi omi iLiva, ama o mie Aburaamu aze-oghuo-igbe, so iromhi khivose na li, ikhi omose ni o mie ekha ni Eshinegba o shi na li.

‡ 6:19 Li ze iLev 16.2 § 6:20 Li ze Iwolo 110.4 * 7:2 Li ze Igbae 14.17-20 † 7:5 Li ze iNoba 18.21

⁷ Akhokhómhẹ ọa la ọ khi ọgbọ ọni kpeda, ọọ sọ iromhi ikhivọsẹ na ọni ọ kpọkẹ.

⁸ Eralo-ugamhi eyi Ẹshinẹgba ni ee mie aze-oghuo-igbe, ẹgbọ ni ẹẹ ghu-a e khi. Ama iMẹkizẹdeki ona ọ fu dọsẹ wẹ nya itobọ khi a gueyẹ awa khi agbọagbọ ọ laọ lẹ.

⁹ Ọgbọ dobẹ ẹ liẹ khi imi imi iLiva ni ẹẹ mie aze-oghuo-igbe, e she li zẹ oni aze-oghuo-igbe ona rọte obọ oyi iti-iti itawẹ Aburaamu.

¹⁰ Itobọ khi ẹghẹghẹ ni iMẹkizẹdeki ọ rọ mẹ Aburaamu, iLiva ọ kie la elemhi oyi Aburaamu. Ọgbọ a bia li ne.

Abi iJesu ali iMẹkizẹdeki e li khọ egbe

¹¹ Irari khi ini akanya eghiele ekpodalo-ugamhi eyi Ẹshinẹgba, ni Ushi oyi iMosisi o rọ migha, ni imi imi iLiva ee gbe, o dobẹ ri ọgbọkhọghuo gba pfo lọ, aa kha ke gbo ri ọkpodalo-ugamhi oyi Ẹshinẹgba ọlese lasese, ọni ọ li abi iMẹkizẹdeki, ni ọa khi unuẹkpẹ oyi iLiva wẹkhi oyi Erọni.

¹² Irari khi ini a mu eghiele ona ekpodalo-ugamhi eyi Ẹshinẹgba pfi, a mema li ya mu ushi pfi.

¹³ Ọnọmhuẹ ọyawa ni a ngme ingme oyọli ena, ẹdẹli olese ọ te lasese. Ọgbọkhọghuo ọa rọte oni ẹdẹli oyọli gbe akanya ọkpodalo-ugamhi oyi Ẹshinẹgba ukhomhi atẹtẹ ghue.

¹⁴ Awa ga lẹsẹ gboo khi Ọnọmhuẹ, ẹdẹli iJuda ọ te lasese. iMosisi ọa teva oni ẹdẹli abi ọ rọ ọ ngme ungmehi oyi ekpodalo-ugamhi eyi Ẹshinẹgba.

¹⁵ Ibhale ni ọkpodalo-ugamhi oyi Ẹshinẹgba ọlese ni ọ li abi iMẹkizẹdeki ọ bhale, o rọkhasẹ gboo khi ushi oyi Ẹshinẹgba o she mu pfi.

16 Oa khi itobọ khi ọ rọte ẹdẹli oyi iLiva lasele abi ushi ọọ a ke li, lọli a rọ zẹ ọli ọkpodalo-ugamhi ọyi Ẹshinẹgba, ama itobọ khi lọli ọ mhọli ekpabọ ni ọ rọ ọ la agbọ agbọagbọ.

17 Itobọ khi Ebe-no-pfuase o ngme ọli khi,
 “Okpodalo-ugamhi
 ọyi Ẹshinẹgba
 ẹlẹ na agbọagbọ u khi,
 onabi iMekizẹdẹki.”‡

18 Eri a ri obọ gbe ushi oni ẹlẹlẹ nyẹ, itobọ khi ọa mhọli ekpabọ wẹkhi eri o gbe akanya.

19 Irari khi Ushi oyi iMosisi ọa dobe ri emhikhoghuo gba pfo. Memena irudushi oni o ti ne a ke rọ na awa, ni o ri awa dobe ti bhale mama Ẹshinẹgba.

20 Ẹshinẹgba ọ gbo romhi ishe ma ọ khi iKirisiti khi ọkpodalo-ugamhi ọyi Ẹshinẹgba ọ ya khi agbọagbọ. Oa romhi isheli abi a rọ ri ẹgbọese ya le oghie ekpodalo-ugamhi eyi Ẹshinẹgba.

21 Ijesu tse a romhi isheli rọ le eghie abi Ẹshinẹgba ọ re.

“Mhemhe Onomhue
 mhi she shi-emuẹ, khi
 ‘Okpodalo-ugamhi ọyi Ẹshinẹgba
 u ya khi agbọagbọ.
 Mhi aa ya da ọ ghue.’ ”§

22 Itobọ oni ẹmuẹ ni Ẹshinẹgba ọ shi, ijesu ọ rọ khili oni iregbenga ni ọ ri awa mhọli ishobọ onogbọ ni o tine.

23 Ikhiọda olese ni o gbo la akaghọ khi, ekpodalo-ugamhi eyi Ẹshinẹgba ebubu elese e la ọ ẹghẹghe

‡ 7:17 Li zẹ *Iwolo 110.4* § 7:21 Li zẹ *Iwolo 110.4*

ishobọ onodio. Eghẹghẹ aghọ ini ọkpodalo-ugamhi ọyi Ẹshinẹgba ọ ghua, ọlese ọ to ẹlolo ọli.

²⁴ Ama eri iJesu ọ la ọ agbọ lẹ agbọagbọ, akanya ọkpodalo-ugamhi ọyi Ẹshinẹgba oyọli, eri o migha agbọagbọ ni ọa zẹ ẹ kpe na ọgboese.

²⁵ Irarighọ, ọ dobe ya tsumhi eni e ri eva oyọli bhale deba Ẹshinẹgba zeghele. Itobọ khi eri ọ la ọ agbọagbọ, ọọ lema na wẹ.

²⁶ IJesu ọ khi ọni Ọkpodalo-ugamhi ọyi Ẹshinẹgba ni ọ kpeda, ni ọ ri emini awa nono na awa. Ọni ọ pfuase ọ khi, ọa mhọli umhaguekia wẹkhi olamhẹ shi egbe. A she zọlọ li iteva ena olamhẹ lasese, a yase ọli nga yagha dose idane.

²⁷ Ọa li abi Ega eyi ekpodalo-ugamhi eyi Ẹshinẹgba elese ni e kpẹ luase obọ oyi igbe-olamhẹ kua na egbewe ẹlekhele, neni e tigbe ẹ luase na ẹgboese. Iluasobo oghuo iKirisiti ọ lese luase utoghuo kpele shi olamhẹ oyi ẹgboese abi ọ rọ ri egbọli luasobo.*

²⁸ Egbọ eni mhue ashini o kie kpọ wẹ le shi, Ushi oyi iMosisi oo zẹ shi Ọga oyi ekpodalo ugamhi, ama ishobọ ni Ẹshinẹgba ọ ri isheli shi, ni o kpe ukhokho bhale khe Ushi oyi iMosisi, ọ rọ zẹ Omi Ẹshinẹgba, ni a she rọ khi ọni ọ gba pfo agbọagbọ.

8

Ọga oyi ekpodalo ugamhi ọna Ishobọ onogbo

¹ Ọzukhomhi emini anye ẹ ngme na. Awa mhọli Ọga oyi ekpodalo ugamhi, ni ọ shitọ ukiekie obita omhese oyi Ẹshinẹgba ni ọ mhọli ekpabọ nya na obini iloghie agbọagbọ,*

* **7:27** Li zẹ iLev 9.7 * **8:1** Li zẹ Iwolo 110.1

² ni ọọ ga abi Oga oyi ekpodalo-ugamhi eyi Eshinegba elemhi Okholo ni a ri ode ghi ni o khi egbegbi igholo ni o la iloghie, oni Onomhue loughuo ọ tọ, ni ọa khi abọ eyi ẹgbọ a rọ tọ li.

³ Eri a zẹ eni e kpeda na ekpodalo-ugamhi eyi Eshinegba kpa ni e ri isomhopfa ali iluasobo ke luase. Lọli o zẹ khi Oni ọ kpeda na ekpodalo-ugamhi eyi Eshinegba oyawa, ọ mema mhọli emini ọ li rọ ya luase.

⁴ Agbọ ọ kha la lọ, ọa kha fẹ khi ọkpodalo-ugamhi oyi Eshinegba, aborokhia khi ekpodalo-ugamhi eyi Eshinegba ni ẹ deba ushi oyi ẹgbọ iJu e la aghọ eghọ.

⁵ Okholo ni a ri ide tọ ni e la ga, irọkhọkhọ ali aroro oyi emini e la iloghie e khi. Lọli o zẹ khi abi iMosisi ọ rọ ya tọ oni igholo, khi Eshinegba ọọ li, “Zobe ni a bhale ya ẹ khi abi a li rẹ wẹ khase ukhomhi ute, u li ya rieḽe wẹ tee.”†

⁶ Ama, memena, akanya ọkpodalo-ugamhi ni a rọ na iJesusu, o mu ẹloe dọse oni a rọ na ekpodalo-ugamhi enedio, ẹzeze abi ishobọ ni ọ migha shi rọ gbe akanya o li mu ẹloe dọse onodio, itobọ khi o migha nga ironga eni e ti ne.

⁷ Ini ishobọ oni odode ọa mhọli ashini o kpọli le shi lọ, ọgbọ ọa kha ke mhọli emini a ri ishobọ olese ẹ rieḽe.

⁸ Ama Eshinegba ọ mẹ ashini ẹgbọ eyọli ẹa kie te gba pfo, lọli ọ rẹ.

“Oni ogbeḽe ọọ bhale,
ni mhi rọ ya shobọ onogbo
na ẹgbọ iZireni
ali ẹgbọ iJuda.

† 8:5 Li zẹ Okiali 25.40

9 Oa ya li abi ishobo
 ni mhi nu iti-itita wẹ shi,
 ogbele ni mhi mu wẹ oobo
 rote eke ijipiti ya fie.
 Ea ri igesikia deba
 oni ishobo ni mhi nu wẹ shi,
 itobo igho mhi ro
 rue wẹ ɛloe egbe-a.

10 Onomhue ọọ,
 ogbele ni ọọ bhale,
 Ishobo ni mhi ya shi
 na egbo eyi iZireni na,
 Mhi ya ri ishi eyemhe
 shi wẹ isamhi,
 mhi keke ọli shi wẹ udu.
 Mhi ya khi Eshinegba oyewe,
 wewe e khi egbo eyemhe.

11 Ongewe ọa ke ke sese
 onuzava oyoli, wexhi eri
 o ya lie inyoghuo ọli,
 ‘Lesẹ Eshinegba.’
 Itobo khi wewe nya
 e ya lesẹ mhe,
 rote oni o kpoke nya
 ya je oni o fune nya.

12 Mhi ya ri olamhe topfa wẹ,
 mhi aa ke gbo ya sato
 ipfido oyewe.”‡

13 Abi o ro da lu ishobo onana, “Onogbo” egho,
 o she ri oni odode mele onodio-a. Emini o da mele
 onodio-a ni o she ẹ womhe, o kele ya kele-a.

‡ 8:12 Li ze *ijere 31.31-34*

9

Ugamhi na iloghie ali eke agbo

¹ Ishobọ onodode o mholi ishi ni a ro o ga ugamhi, o gbo mholi igholo ni a ri ide ghi shi eke agbo.

² A to okhologo ni a ri ide ghi gasẹ shi elemhi oni igholo. Elemhi owa eva e la o oni okhologo. Elemhi owa ni a kpe ramhi aa lui, Asha no Pfuase. Akagho a ri emini a ri akpa ru e nga shi, ali itebu ni a ri ibuledi ni o pfuase e nga.*

³ Elemhi owa onuzi-eva ni o kpe oobo na ode ugbakpi ni a ro pfa ode-a, a lui Ashini o Pfuase ne nya.†

⁴ Agho adido igolu ni a la tose ituale afu era ni ee pfi e la. Akpati ishobọ ni a ri igolu ku o li la Ashini o Pfuase ne nya. Oni akpati ona, omi utasa igolu o la o ni a ri ibuledi imana a shi.‡ Agho a li ri orokpo oyi Eroni ni o ze ukhuli shi, ali ipepemi eche eva ni a keke ishi shi.§* ⁵ Ikpeda na oni akpati ona, a ma emhi eva ni e li abi igeni ni e ze ipfua shi, ni e so alo ghue ufumhi oyi Eshinegba. E naghie ipfua eyewe-a guese ashini a la ri olamhe e topfa. Ama o a khi memena awa ya me eghẹghẹ ro ke tono eni emhi ena nya ramhi udi we pfo.†

⁶ A kha da she lina ri emhi ogbogbo nya shi ashini a roli e shi se, loli eni ee ralo ugamhi e ro o lo

* **9:2** Li ze *Okiali* 26.1-30; 25.31-40,23-30 † **9:3** Li ze *Okiali* 26.31-33 ‡ **9:4** Imana khi eminale ni Eshinegba o rote idane ruese kule abi amẹ na eniye iZireni abi e ro rote ijipiti vu je eke ishobo, ni a lu iKena § **9:4** Eri orokpo onayi Eroni ni a ngme ena ni o she khakha o kie ze ukhui onogbo. * **9:4** Li ze *Okiali* 30.1-6; 25.10-16; 16.33; *iNqba* 17.8-10; *Okiali* 25.16; *iDeut* 10.3-5 † **9:5** Li ze *Okiali* 25.18-22

elemhi owa onodode ya gbe akanya ododa eyewe ogbele kpa.‡

⁷ Ama Oga oyi ekpodalo ugamhi lolighuo tse o dobe e lo elemhi Owa Ni o pfuase ne nya ni o la o. Utoghuo elemhi ukpe o lese e lo akaghо. Olia eni o ro luasobo na egbоli ali egboese shi olamhe ni e lamhe elemhi umhalese, oo rue e mholi obо lo akaghо. §

⁸ Eri Ayemhe-no-pfuase o ri onana guele khi, ogbo oa khueghie ode ni o lo elemhi Owa ni o Pfuase ne nya-a, na ogbokhoghuo ne, ini okhоло onodode o kie migha.

⁹ Eri emhi enana e khi irokhokho na awa egheghe ana. Emini onana o ngme khi irona ali iluasobo eyi elamhako ni a luase ukpe khi ukpe khi, ea dobe khuese eni e bhale ya ga Eshinegba udu-a pfuase, rewe gba pfo.

¹⁰ Ingme eminale, ali onyo ali ikpegbe-a enana e migha shi, ni e khi ushi na elele. Eri ushi onana o gbe akanya ramhi egheghe ni Eshinegba o ro ri ushi onogbo shi eke.

Olia eyi iJesu

¹¹ Ama iKirisiti o she bhale abi Oga oyi ekpodalo ugamhi, ni o khi oyi eminete ni e she bhale. O she lo elemhi Okhоло ni a ri ode ghi ni o fune ogho ni o gba pfo, ni o la iloghie, ni ogbo oa ri abo to wekhi eri o la eke agbo.

¹² Abi iKirisiti o rote elemhi oni okhоло lo oni elemhi Owa ni o Pfuase ne nya, oa rue olia eyi elamhi ali ena ya luase obo, ama olia eyi lolighuo

‡ 9:6 Li ze iNoba 18.2-6 § 9:7 Li ze iLev 16.2-34

ọ rue utoghuo kpele ọ mie ipfasheke na agboagbo na awa.

¹³ Eri ọlia eyi elamhi ali ena, ali emue eyi ozele ẹna ni a tose-a, ni áá miatse ku ẹgbọ ni ẹa pfuase, o rewe khi eni e pfuase idiegbe.*

¹⁴ Seẹ ọlia eyi iKirisiti ẹa ke lie li dobe khuese udu oyawa-a pfuase, rote ikanya ni ẹẹ pfi eghuli. Ikhi oni ọ rote ekpabo Ayemhe oyi Eshinegba ri egboli na Eshinegba abi iluasobo ni o gba pfo itobo olamhe eyawa-a, ni awa dobe ke ga Eshinegba ni ọ la ọ agboagbo.

¹⁵ Itobo ona iKirisiti ọ ọ migha iteva Eshinegba ali ẹgbọ ri ishobo onogbo ona gbe eke, ẹghẹghẹ agho ni eni Eshinegba ọ lu, e li mie ugu na agboagbo ni Eshinegba ọ ọ nga. Onana o ya ze li, itobo khi ọ ghu eghuli ni ọ ọ gbe olamhe ni ẹgbọ e lamhe ẹghẹghẹ ishobo onodode kua.

¹⁶ Ini ọgbọ ọ keke shi eke abi a li ya kemhi ugu oyoli se, ni ọ ọ ghua, a mema ya me ọli me gbo khi ọ she ghu-a neni ọgbokhoghuo ọ ya me emhikhoghuo le ugu.

¹⁷ Irari khi emhi afue oni ebe ni a keke abi a li ri ugu ya kia o ya khi, ini oni ọ keke ọli ọ da kie la agbo ne. Ama ini ọ ghu-a se, a ọ tigbe ri ọli ẹ gbe akanya.

¹⁸ Ona o ze khi ishobo onodode ọa kha ze ọ gbe akanya ini ọlia ọa ma ọ lo.

¹⁹ Abi iMosisi ọ ọ ze ishi eyi Eshinegba ye eni ẹgbọ se, ọ rue ọlia eyi ena ali elamhi, ọ ku amẹ shi ọ. Ọ rue uguabo ọora ni a khili oolu opfopfo shi, ọ roli miatse eni ọlia shi oni emini a keke ishi nya shi,

* **9:13** Li ze iLev 16.15-16; iNba 19.9,17-19

ọ gbo li miatse ku egbo nya.

²⁰ Ọọ we, “Ọlia eyi oni ishobo na, ni Eshinegba ọọ awa ro ghue.”†

²¹ Igho ọ gbo li miatse eni ọlia shi oni owa ugamhi ali emhi nya ni a ro la ọ ri ele ugamhi.‡

²² Abi o li, khi, eri ushi ọọ a ri ọlia ri emhi nya khi eni e pfuase, ali khi ini aa li ri ọlia luase, irolamhe-topfa ọa la ọ. §

²³ Owa Oyi Eshinegba na eke agbo ni a lina ri ọlia ro khi oni o pfuase, irokhokho oyi owa ugamhi na obini iloghie o khi. Ama emini e la obini iloghie, iluasobo oni o tine a mema ro ya rewe shi ipfuase.

²⁴ IKirisiti ọa lo elemhi okhola ni a ri ode ghi ni egbo e ri abo ma ni o khi irokhokho eyi egbegbewe. Ama iloghie ọ ri ochoghọ ya lo, ni ọ la migha odalo oyi Eshinegba na awa memena.

²⁵ Wekhi eri iKirisiti ọ lo iloghie ya ri egboli luasobo iti-ingmingme, abi Ọga oyi ekpodalo ugamhi ọ lie tsua ọlia eni ẹa khi eyoli ẹ lo elemhi Owa ni o Pfuase ne nya, ukpe-khi-ukpe ya luase.

²⁶ Igho ó kha khi lo, eri iKirisiti ọ kha me osue iti-ingmingme abi a te ma agbo. Ama ọa khi igho. Eri ọ bhale utoghuo tse abi oni eghẹghẹ o ro gba, ni ọ ro ri egboli luasobo ro rue olamhe ode-a.

²⁷ Ezeze abi ọgbo ọ lie ghu-a utoghuo tse, ọ kha da ghu-a se, ọ bhale shi iguezo.

²⁸ Igho a li ri iKirisiti luasobo utoghuo kpele ni a ro shishi olamhe oyi ebubu egbo-a. Ọ ya gbo bhale utonuzi-eva. Ọa khi ni ọ ro gbo tsua olamhe, ama ni ọ ro tsumhi eni e migha a khe ọli.*

† 9:20 Li ze Okiali 24.6-8 ‡ 9:21 Li ze iLev 8.15 § 9:22 Li ze iLev

17.11 * 9:28 Li ze Aza 53.12

10

Iluasobo utoghuo kpele oyi iKirisiti

¹ Ugamhi onodiọ ni a ga eghẹghẹ Ushi oyi iMosisi, aroro oyi eminete ni ẹ bhale e khi. Ẹa khi wẹwẹ e khi egbegbewẹ wẹ. Eni iluasobo ni a kpe luase eghẹghẹ agho ukpe kpa, ẹa tigbe dobe ri ipfuase ni o gba pfo na eni bhale odalo oyi Eshinegba ya ga ugamhi.

² Ini eni iluasobo ee dobe ri eni egbo pfuase lo, a kha yemhe eni iluasobo a? Irari khi e kha ri eni e bhale ya ga pfuase utoghuo kpele, ni udu oyewe o a ke mholi umhaguẹkia.

³ Ama eri eni iluasobo e yele egbo olamhe eyewe le ukpe khi ukpe.

⁴ Irari khi o lia eyi ena ali elamhi ẹa dobe rue olamhe ode-a.

⁵ Irarigho, abi iKirisiti o ro ya bhale agbo, oo Eshinegba,

“Iluasobo ali isomhopfa
ẹa ghole ẹ.

Ama u she ri idiegbe na mhe,
ni mhi ri ungmehi oye
gbe akanya.

⁶ Iluasobo eni a tose
ali iluasobo igbe-olamhe kua
ẹa tigbe ti ẹ ẹloe.

⁷ Igho mhi re,
‘Ghe mhe ana,
Eri mhi bhale ya riẹ
oghumehe oye, Eshinegba.’ ”*

* **10:7** Li ze *Iwolo 40.6-8*

8 Ọ te eke ya ngme, ọọ, “Iluasobo ali isomhopfa ẹa ghọle ẹ, wẹkhi iluasobo eni a tose ali iluasobo igbe-olamhe kua e ghọle ẹ, wẹkhi eri e ti ẹ ẹloe.” Ama khi a lese khi eri ushi ọọ a mema ligho ke riẹle we.

9 Igho o ke re, “Ghe mhe ana Eshinegba, eri mhi bhale ya riẹle oghumhe oye.” Eri o ri obo ri iluasobo eni ẹlele shi eke, o ri iluasobo oyi iKirisiti to ẹloli we.

10 Itobo khi iJesu iKirisiti o riẹle oghumhe oyi Eshinegba, loli o ze ni a ro ri iluasobo ni o ri idiegbe oyoli luase utoghwo kpele khuese awa nya olamhe-a pfuase.

11 Elexhele, ekpodalo-ugamhi eyi Eshinegba nya e ro gbe ikanya ugamhi eyewe, eri e riẹle eni iluasobo gbo riẹle iti ingmi-ingme, ama ẹa tigbe dobe rue olamhe ode-a.†

12 Ama abi iKirisiti, oni okpodalo-ugamhi oyi Eshinegba ona, o ro luasobo utoghwo kpele oyi igbe-olamhe-kua ni o khi oyi ona agboagbokpa, ni o ro shito obita oyi Eghiele oyi Eshinegba.

13 Agho o ke shito migha a khe eghẹghẹ ni Eshinegba o ro ya ri ebe oli mele akphawe-nga eyoli-a.‡

14 Irari iluasobo utoghwo kpele ni o luase o ro ri egbo eni o rote olamhe pfuase khi eni e pfuase agboagbo.

15 Ayemhe-no-pfuase o gbo pfi otsele shi ona ye awa. Oni odode, ọọ,

16 “Ishobo ona mhi ya nu we shi.

Onomhue o ngme ghọ khi,

oni eghẹghẹ ogho o kha ramhi,

† 10:11 Li ze Okiali 29.38 ‡ 10:13 Li ze Iwolo 110.1

mhi ya ri ishi eyemhẹ shi wẹ udu,
mhi kẹkẹ ọli shi wẹ ayemhẹ.”§

17 Ọ ke gbo rọ ma ọ khi, “Mhi aa ke ya sato olamhẹ ali ikanya ebe eyẹwe.”*

18 Irarigho, a kha she da ri ena topfa se, ọgbọ ọa ke gbo mhọli emini a ri iluasobo irue-olamhẹ ode-a ya riẹle.

A zẹ ni awa ti bhale deba Eshinegba

19 Irarigho, inyoghuo-mhẹ, aborokhia ọlia eyi ijesu e ri igbedu na awa rọ lo Ashini o Pfuase nẹ nya egho,

20 ikhi ode onogbo ni o mhọli agbo, ni o ri awa te ode ugbakpi ni a rọ pfa ode-a a doṣe.

21 Abi o rọ gbo li khia khi awa mhọli ọkpodalougamhi oyi Eshinegba oniemi ni ọọ mhẹṣe shi Owa ugamhi oyi Eshinegba na iloghie egho,

22 awa ri udu igesikia ali irudunga ni o migha gboo ti bhale deba Eshinegba. Awa gbo mhọli udu ni a ri imiatse ọlia eyi iKirisiti rọ khi ipfuase ni ẹa ke mhọli umhaguekia, ali awa mhọli idiegbe ni a ri amẹ khuṣe-a pfuase.†

23 Awa mu irudushi ni awa guele khi awa mhọli mhue gagaga, irari khi Eshinegba ni ọ shobo na awa, oni a ri egbe ẹ nga ọ khi.

24 Awa ke sa abi awa li ya ke ri udu shi egbe ọ, ni awa ke riẹle inono ali awa gbe ikanya enete.

25 Awa khi ti egbe ilona oyi egbawa je ukhokho, abi egbọ eghuo ẹẹ li, ama, awa totobo ke ri udu shi egbe ọ, aborokhia khi u mẹ khi Ogbele oyi Onomhue o shi ti ẹ bhale.

§ 10:16 Li zẹ ijere 31.33 * 10:17 Li zẹ ijere 31.34 † 10:22 Li zẹ iLev 8.30; Ezik 36.25

²⁶ Irari khi iluasobo olese ọa ke gbo laọ ni o ya rue olamhẹ ode-a, ini awa mema famhi ẹ lamhẹ, ikpukhokho khi a she kpẹ gue oni igesikia ye awa ne.

²⁷ Emini ẹgbọ eghoghọ e ke ya shitọ ke khẹ khi iguezọ ni o ri ulishi ẹ mu ali erali na biobiobio, ni o ya pfuse eni ẹa ya suọ esọ na Eshinegba-a.‡

²⁸ Onini ọ da gbe Ushi oyi iMosisi-a, ni a rọ da ri ọli gue ezọ, ni ọ rọ da lue ne, ni a rọ me ọtsele ẹgbọ aava okekhi aase, eri a gbe ọli-a, ni ọa mhọli ilelemhi.§

²⁹ Se u sa khi a kha li nase eni e ri awe wu Omi Eshinegba eke-a, ni e ri ukpeloe gbe ọlia ni Eshinegba ọ rọ riẹle ishobo, ikhi ọlia ni o khuese we olamhẹ-a pfuase, ali eni o khia khi eri e ze emuẹbe na Ayemhẹ Okhale?*

³⁰ Irari khi awa lese oni ọọ, “Mhemhẹ mhi ya nase eni e lina ngeli, Mhi ya fali oru,” ali oni ọ gbolo ẹ, “Onomhue ọ ya ri ẹgbọ eyọli gue ezọ.”†

³¹ Irari khi emhi okhena o khi ni ọgbọ ọ rọ ya pfi obọ lo ingme oyi Eshinegba ni ọ la ọ.

³² A ke sato eghẹghẹ ni a rọ lese mie oni akpá, ni a rọ migha mu imiesuo oye ẹ mhue, aboriẹkhia khi áá na ẹ ukpokpomhi osoli shi ọ.

³³ Isheghuo, eri ẹgbọ e ga la igbaa a pfi itsue manya ẹ, a mu okhọli vule shi ẹ ọ. Isheghuo, a kugbe ẹgbọ elese ni a lighọ mu okhọli vule shi ọ.

³⁴ Elemhi eni e la ọgba ighumha ee ala ẹ. Abi a rọ ri itoto mie ẹ itsua, aa khako, a ri oghẹle rue we obọ-a na we, itobọ khi a lese khi a mhọli itsua eni e tine ni e ya la ọ agbọagbọ.

‡ 10:27 Li ze Aza 26.11 § 10:28 Li ze iDeut 17.6; 19.15 * 10:29 Li ze Okiali 24.8 † 10:30 Li ze iDeut 32.35,36

35 A khi tsua igbedu oyẹẹ pfiā, irari khi o ma mhọli eleli oniēmhi.

36 A mhọli iregbemie, ni a bhale ya ẹ khi ini a doḅẹ riẹḅẹ oghuēmḅẹ oyi Ẹshinẹgba se, ni a mie emini ọ rọ nga na ẹ.

37 Irari khi Ebe-no-pfuasẹ o ngme ọli khi,
 “Ini o riẹ tẹsẹ ukukuḅ, Ọni ọ ya bhale ọ ya bhale, ọa ya tẹsẹ.

38 Ama eni Ẹshinẹgba ọ pfa na, irudunga e rọ ya ke la agḅo, ama ini ọngẹwẹ ọ nyenẹ egbe ukhokho, elemhi ẹa ya timḅẹ deba li.”‡

39 Awa aa li abi eni ẹẹ nyenẹ egbe ukhokho ni e ya pfua, ama eni e miesuḅ ni a mie pfuese awa khi.

11

Irudunga

1 Mena, irudunga khi, ini ọḅḅo ọa mhọli akhokhḅmḅẹ shi udu shi emini ọ ri udu shi eḅẹ ẹ khẹ, ali ni ọḅḅo rọ mhọli ọli shi udu guẹguẹguẹ khi emini aa mẹ ne khi e la agho.

2 Irudunga ona, o ri ẹḅḅo enẹḅẹ le eva onete odalo oyi Ẹshinẹgba.

3 Awa lẹsẹ khi irudunga ona, Ẹshinẹgba ọ rọ ri ungmemhi oyọli ma emini awa mẹ ẹloe nya. Ni a rọ bhale ya ẹ khi, a rọte emini aa ya mẹ ẹloe riẹḅẹ emini a mẹ ẹloe.*

4 Irudunga, o ri Eḅeli ri iluasobo ni e ti doḅẹ eyi iKenī na Ẹshinẹgba. Rọte irudunga oyọli, Ẹshinẹgba ọ rọ mie obọ shi ọ khi ọḅḅo ni ọ mhọli angeli onete

‡ 10:38 Li zẹ *Abak 2.3-4* * 11:3 Li zẹ *Igbae 1.1; Iwolo 33.6,9; iJon 1.3*

ọ khi, abi Ẹshinẹgba ọ rọ ngme onete irona eyoli. Irudunga ona o ri Ebeḷi kiele ngme, abi ọ rọ ririẹ ghua.†

⁵ Irudunga a rọ rue Enọki agbọ vu, ini ọ khi me eghuli. Ogbọ ọa ke me ọli, irari khi eri Ẹshinẹgba ọ rue ọli nga idane. Neni a rue ọli vu, ọ mholi ọtsele khi ogbọ ni ọ ri egbe mu Ẹshinẹgba ọ khi.‡

⁶ Ogbokhoghuo ọa dobe ya riẹle emini e ri egbe e mu Ẹshinẹgba, ini ọa mholi irudunga. Irari khi neni ogbọ ọ ya bhale deba Ẹshinẹgba, ọ mema mholi irudunga khi ọ la agho, khi loli ọ somhi eni e kuegbe-a nono ọli opfa.

⁷ Irudunga o ri iNoa, abi ọ rọ suọ agua ni Ẹshinẹgba ọ tse ye ọli shi emini aa me ne, roli ri ikuegbe-a ali ulishi oyi Ẹshinẹgba, khali oko-oke oniemhi ni o pfuese apfe ọli. Irudunga oyoli o ri umha miesuọ oyi eni egbo na agbo khasẹ gboo, ni ọ rọ mie ikhivose itobo khi irudunga oyoli o ti Ẹshinẹgba eloe.§

⁸ Irudunga o ri Aburaamu vule abi Ẹshinẹgba ọ rọ lu ọli ọ vule ke je ashini loli shobo khi loli rọ ya na li le ugu. Orote eke oyoli vu, abi otseku khia khi ọa lese obini ọọ je.*

⁹ Irudunga o roli ngeli eke ishobo abi ofese. Oo la ifui okholo, igho li khi Aziki ali iGiekopu, ni e ga le ugu oni ekha oghuo.†

¹⁰ Irari khi eri ọ ri eloe shi eke khe ọli oni o mholi irogbekẹ, ni Ẹshinẹgba ọ vi ali ni ọ gbo khi atsona oyoli.

† 11:4 Li ze Igbae 4.3-10 ‡ 11:5 Li ze Igbae 5.21-24 § 11:7 Li ze Igbae 6.13-22 * 11:8 Li ze Igbae 12.1-5 † 11:9 Li ze Igbae 35.27

11 Irari irudunga a rọ ri Aburaamu doḅe khi ita eniye abi ọ rọ ririye rọ she doḅe oni eghẹghẹ ni ọ kha la doḅe bia ọmọ ali ni iSera ọ rọ khi aga. Irari khi ọ leḅe khi Eshinegba ni ọ shobọ nali khi ọna igesikia ọ khi lọ.‡

12 Rọte obọ oyi Aburaamu, ni ọ li abi ọni oyọli o she pfo se, a te me imimi ni ẹa ze leli abi ikpeta na idane ali ekhashe na ese oke oniemi. §

13 Agbọ irudunga egbọ ena e kie la ramhi ni e rọ ghua. E kie miesuọ khi wewe e ya mie emini a rọ shobọ na we. Eri e leḅe li rọte odonu pfi alo o me we odalo, o ri egbe mu we. E lama shi ọ khi ena ẹoli oboese ali epfese wewe e khi shi elemhi eke agbọ.*

14 Ini egbọ e da lina ngme ne, eri o rokhase khi ẹoli oni e ya ke lu oyewe ẹẹ nono.

15 Ini eri ẹoli ni e rọte vu kha o la we udu lọ, e kha mholi eghẹghẹ rọ mu egbe pfi je obini e te vu.

16 Eri ẹoli ni o tine o ri okiamhi i gbe we, oni o khi ona iloghie. Irarigho, ọa ri omama mu Eshinegba khi ee lu lue Eshinegba oyewe, irari khi ọ she mu egbe ẹoli shi eke khe we.

17 Irudunga o ri Aburaamu ri Aziki luasobo, abi Eshinegba ọ rọ mu ọli fe bino. Lọli ni ọ she mie oni ekha, ọọ nono ni lọli ri omi ọli ọtuoghuo kpe luasobo,†

18 aboriekhia khi Eshinegba ọ gueye ọli khi, “Rọte Aziki u te ya mholi imi imi e.”‡

19 Eri Aburaamu ọ sa li shi udu khi Eshinegba ọ doḅe ya rọte eghuli guise ogbọ le. Eri o li abine khi

‡ 11:11 Li ze Igbae 18.11-14; 21.2 § 11:12 Li ze Igbae 15.5; 22.17; 32.12 * 11:13 Li ze Igbae 23.4; 1 Okhe 29.15; Iwolo 39.12 † 11:17 Li ze Igbae 22.1-14 ‡ 11:18 Li ze Igbae 21.12

eri ọni Aziki ọ ghu-a egho, ni o ro li abine khi eri Aburaamu ọ rote eghuli gbo mie Aziki.

²⁰ Irudunga o ri Aziki ku isemhe na iGiekopu ali iSo shi emini a ya me odalo. §

²¹ Irudunga o ri iGiekopu abi ọ ro ya ghu-a so iromhi na imi iJosefu ava-ava, ọ da abo na Eshinegba abi ọ li kie ri egbe da orokpo oyoli.*

²² Irudunga o ri iJosefu, abi ọ ro ya ghu-a ngme ingme abi eniye iZireni e li rote eke iJipiti ya vu shi eke. Ọ guele shi eke abi a ya li igua eyelue. †

²³ Irudunga o ri eni e bia iMosisi roli sheli ramhi iki ese abi a ro bia li se, irari khi ọa khi omọ na tse, ulishi ọa mu we ni e ro ri ukpeloe gbe omhese oyi oghie. ‡

²⁴ Irudunga o ze khi abi iMosisi ọ ro fu vule se, khi ọa lama a ke lu lue omi omi iFero onokpotso. §

²⁵ Ọ lama khi lo li ya nu egbo eyi Eshinegba me osoli, ocho ni lue ro ya li agbo olamhe ukuku egheghe.

²⁶ Ọ bino o li khi, omama ni ogbo ọ ri itobo iKirisiti ee me o mu eloe dose epfue na iJipiti nya. Itobo khi eleli ni o la odalo ọ ri ukpeloe shi.

²⁷ Irudunga o roli rote iJipiti vu, ni o khia khi ulishi elemhi ibibi oyi oghie ọa mu o li. Itobo khi o li abine khi eri ọo me Eshinegba ni aa ya me eloe, lo li ọa ro mu egbe pfi.

²⁸ Irudunga o roli ri Ukpe iPasova na iri-olia to ogbhele ko, ni ọ re, eniye iZireni e miatse o lia ku shi

§ **11:20** Li ze *Igbae* 27.27-29,39-40 * **11:21** Li ze *Igbae* 47.31; 48.1-20 † **11:22** Li ze *Igbae* 50.24-25; *Okiali* 13.19 ‡ **11:23** Li ze *Okiali* 2.2; 1.22 § **11:24** Li ze *Okiali* 2.10-12

ogbhele, ini aḡeni eghuli ọ khi gbe emọdiọ eyewẹ-
a.*

29 Irudunga o ri ẹgbọ iZireni doḡe da oke oniemi
ni a lu Oke Ifulo, abine khi eni e rote eke ifufu doḡe.
Abi ẹgbọ ijipiti e ro li mu ọli fe, khonya we, oni oke
o to we lue.†

30 Irudunga o ri ugbe ni a khi gasẹ iJeriko de
ya gbe abi ẹgbọ iZireni e ro kia gasẹ ọli se ogbele
ishilua.‡

31 Irudunga a ro tsumhi iRé-àbu ni ọ khi adegbe
ni ọa ro nu eni ẹa suọ esọ na Eshinegba pfua. Irari
khi ẹgbọ iZireni ni a ghie e ka bẹna tokpẹ oni eke
bino, ọ mie we shi owa.§

32 Seḡ mhi ke gbo ya ngme ma ọ? Mhi kie ke
zono we? Eghẹghẹ ọa la ọ na mhe ni mhi ro ya
ngme ingme oyi iGidioni, iBaraki, iSamusi, ijefita,
iDefidi, iSamueni ali emekeḡuele eyi Eshinegba.*

33 Irudunga e ro mu omheḡe eyi ighie le, e mheḡe
na ẹgbọ abi Eshinegba ọọ li nono ọli shi. E mie emini
Eshinegba ọ tse ekha na we. E guese inu eyi idu,†

34 e pfuse erali ebe-a, e na pfue eghuli ogbhoro. O
loḡe we, ama e toto-a, e khi idenomo elemhi okhọli,
e pfuse ekhọli-okhuḡe eyi ẹoli oboese-a.‡

35 Irudunga, ikpotso e ro gbo mie ẹgbọ eyewẹ ni
a rote eghuli guise le bhale agbo.§

Ẹgbọ elese e ri egbe mie ugbe mi obe, ẹa lama
a wolọ weḡe abo-a, ama e ghu-a shi ugbe mi obe,

* 11:28 Li zẹ Okiali 12.21-30 † 11:29 Li zẹ Okiali 14.21-31

‡ 11:30 Li zẹ iJosh 6.12-21 § 11:31 Li zẹ iJosh 2.1-21; 6.22-25

* 11:32 Li zẹ Eḡeḡo 6.11--8.32; 4.6--5.31; 13.2--16.31; 11.1--12.7; 1
iSam 16.1--1 Ighie 2.11; 1 iSam 1.1--25.1 † 11:33 Li zẹ iDan 6.1-27

‡ 11:34 Li zẹ iDan 3.1-30 § 11:35 Li zẹ 1 Ighie 17.17-24; 2 Ighie
4.25-37

itobọ khi e ri udu shi irọte-eghuli-guale bhale agbọ ni o tine.

³⁶ Eghuo ọ, a rẹwẹ li egia, a gbe wẹ itali, a sọ eghuo igha rọ shi ọgba ighumha.*

³⁷ A tonu wẹ eche, a ri isọ kie wẹ shi asha eva, a ri ọgbhoro gbolo wẹ-a. E ri ekuẹ elamhi ali isumha ku egbe, e khi ena umha mẹ, a nase wẹ, a li wẹ umumume.†

³⁸ Egbọ ni agbọ ẹa lu emhi eni egbọ ena e khi. E dudu kia kia ifui ọdagbe ifufu ali ikhomhi ite abi eni ẹa mholi apfe, ee la elemhi irui ali ifui ese na elemhi eke.

³⁹ Itobọ irudunga oyi enana a rọ kuẹghie wẹ, ama ọngewe ọa kie mie emini Eshinegba ọ shobọ.

⁴⁰ Itobọ khi Eshinegba ọ she mhese emini o tine shi eke ẹ khe awa, eghẹghẹ agho e kha kugbe awa ọ, ọ ri awa ali wẹwẹ gba pfo.

12

¹ Aborokhia khi ebubu ọtsẹle eyi ingme agbọ irudunga e she lina le gasẹ awa ena, awa tsua emini ẹẹ zu awa ode ku-a ali olamhe ni e kele ti awa je ukhokho. Awa zẹ ni awa ri iregbemie ke na oni unamhi ni a rọshi awa odalo.

² Awa ri eloe shi iJesu egbe ke bino ọli, oni ọ khi igbaekele ali oni ọ ri irudunga oyawa gba pfo. Oni ọ ri itobọ oghẹle oni a rọ shi eke ẹ khe ọli, ri egbe mie eghuli na apfida, ọ ri ukpeloe gbe omama ni ọ la apfida ya mẹ. Mena, ọ she shitọ obita ukpekhomhi Eghiele oyi Eshinegba.

* **11:36** Li zẹ *1 Ighie* 22.26-27; *2 Okhe* 18.25-26; *ijere* 20.2; 37.15; 38.6

† **11:37** Li zẹ *2 Okhe* 24.21

³ Pfi ukp̄eloe ke bino l̄oli ni ọ ri egbe mie ibiselemhi ni m̄e ob̄o oyi ẹgb̄o olamh̄e, ini o khi l̄os̄e ẹ ni o p̄fan̄o ku ẹ alo.

⁴ Inu-olamh̄e kh̄e ab̄o oȳe, ọa kie r̄e ramhi oyi eghuli ne.

⁵ Eri a she yele ungm̄emhi iyude ni Ẹshin̄egba ọ nu ẹ ngme-a, abi imi ọli eni em̄ose ali eni ikpotso? Ni ọ l̄e.

“Omi mh̄e, khi ri
 ẹloe gbe isheshe shi ode
 oyi Ọn̄omh̄ue,
 ali a khi z̄e ni
 egbe p̄f̄o ẹ-a
 ini ọ sheshe ẹ shi ode,

⁶ Irari khi eni Ọn̄omh̄ue
 ọ nono ingme oȳew̄e
 ọọ sheshe shi ode,
 ọgb̄okpa ni ọ lama
 khi omīoli lue khi
 ọọ na osoli.”*

⁷ Ri egbe mie ini a sheshe shi ode, eri Ẹshin̄egba ọọ rīele ẹ abi imi ọli. Mhīe ii, ọm̄o ọn̄ogh̄uo itali ọa ya sheshe shi ode?

⁸ Ini aa sheshe ẹ shi ode abi a līe sheshe ọm̄o kpa shi ode, eri o r̄okhas̄e khi waa khi egbegbi omīoli ama ọm̄o ni aa l̄es̄e ọni ọ bia li u khi.

⁹ Itawa ena agb̄o ẹa ya sheshe awa shi ode, ni awa r̄o kiele ẹ mu ekp̄e na w̄e? Elo o z̄e ni awa aa ke r̄o lili ẹ z̄e ni ọni ọ khi Itawa elemhi aȳemh̄e ọ li sheshe awa ni awa mh̄oli egbegbi agb̄o?

¹⁰ Ukuku ẹgh̄egh̄e itawa ena agb̄o ẹẹ sheshe awa shi ode abi ọ ti w̄e ẹloe shi, ama itob̄o onete oyawa

* **12:6** Li z̄e *iJobu 5.17; Ekpi 3.11-12*

Èshinegba ọ rọ sheshe awa shi ode, ini awa nu ọli mhọli okemhi shi ipfuase oyọli.

¹¹ Isheshe shi ode okhoghuo ọa ya viọlo egbe, ama eri ọọ to. O kha ke deṅe, o ri ọni a ligho sese ingme e ngeli angeli enete, ali ọ gbo mhọli opfomhe.

¹² Irarigho, abo eye e ni o loso ali ikhomhegbhe eye e ni e e kpheli rerere, a zese we-a.†

¹³ A ke kia ode ni o sheshe talala, ni a ri eni e cheghela awe-a ze, ocho ni e ro ya de.‡

¹⁴ A roshaka odekhode ni a nu ogbokpa la agbo opfomhe, ni a gbo la agbo ipfuase, irari khi ogbokhoghuo ni ọa mhọli ipfuase ọa ya me Onomhue.

¹⁵ A roshaka ini onge e ọ khi khi ọni okhale oyi Èshinegba ọa ramhi obo ali a khi ze ni iyese-elemhi-a o ze shi e iteva ni ọọ pfi ingme obe ro pfueche egboese-a.§

¹⁶ Ogbokhoghuo ọ khi khi ọni ọọ ku itsebo, we e onge e okhoghuo ọ li abi iso ni ọa mhọli ayemhe oyi Èshinegba, ni ọ ri itobo eminale utoghuo kpele ri ugu odiọ oyọli de.*

¹⁷ A lese khi elelese, abi ọ ke ro ọ nono ni lolu mie oni ikhivose, a kie ọli. Itobo khi ọa ke me asha mu udu pfi, abi ọ tseku ke ri ame vie nono ọli.†

¹⁸ Irari khi aa bhale ute ni a dobe ri obo ọ ti, onabi ute iSinai ni egbo iZireni e ke bhale, ni elemhi erali o la a de biobiobio, ni obili ulishi o la, ali ni okiki olitsa o la khili eke,

¹⁹ ali ni akala o la de limhilimhi, ni uruli oniemi o la a ngme, ni egbo ni e suo oni uruli e ro lema oni

† 12:12 Li ze Aza 35.3 ‡ 12:13 Li ze Ekpi 4.26 § 12:15 Li ze iDeut 29.18 * 12:16 Li ze Igbae 25.29-34 † 12:17 Li ze Igbae 27.30-40

ungmemhi o kpese agho.‡

²⁰ Itobo khi ɛa dobe ri egbe mie ushi ni a shi na we ni o, “Ini o rie khia khi ɛlamhako o ri egbe ti oni ute, a mema ya tonon o li eche gbe-a.”§

²¹ Eri emini a me agho o lolo ri ulishi mu ramhi ni iMosisi o re, “Ulishi oni emhi o ga mu mhe!”*

²² Ama, mena, a she bhale ute iZayo, ali eoli oyi Eshinegba oni o la o, iJerusalemu ona iloghie ali obini ilegba oghel oyi igeni upfoleli.

²³ A she bhale igbaa oyi eni e mie iJesu iKirisiti suo oyi emodi oyi Eshinegba, eni a keke e va oyewe shi iloghie. A she bhale deba Eshinegba ni o khi ososozo oyi egbo kpa, ali a gbo bhale deba ayemhe oyi egbo enete ni a ro khi eni e gba pfo.

²⁴ A she bhale deba iJesu oni o ri ishobo onogbo ko, a gbo bhale deba o lia ni a miatse ku, ni ee ngme emini e ti dose emini o lia eyi Ebeli e ngme.†

²⁵ A mu egbe e ini a khi kie ungmehi oyi oni o nu ee ngme. Ini eni egbo ɛa dobe pfue o, abi ɛa ro ri ungmehi oyi oni o la agbo tse agua ye we gbe akanya, se u sa khi awa li ya pfue o, ini awa aa ri ungmehi oyi oni o rote idane tse agua ye awa gbe akanya.‡

²⁶ Eri uruli oyi Eshinegba o nighise eke agbo eghel o agho, ama mena, o she shobo, oo, “Oa khi eke agbo tse mhi gbo ya nighise utoghwo shi o, ama li shi ukhui.”§

²⁷ Eri ungmehi ni oo, “Utoghwo shi o,” o rokhase gboo khi emini a ma nya, khi a ya nighise we, a rue

‡ 12:19 Li ze Okiali 19.16-22; 20.18-21; iDeut 4.11-12; 5.22-27

§ 12:20 Li ze Okiali 19.12-13 * 12:21 Li ze iDeut 9.19 † 12:24

Li ze Igbae 4.10 ‡ 12:25 Li ze Okiali 20.22 § 12:26 Li ze Agai 2.6

wẹ oḍe-a, ni a bhale ya ẹ khi emini ẹa zẹ nighise e ke kpọle.

²⁸ Irarigho, aborokhia khi awa a mie omhese ni o a zẹ nighise egho, a zẹ ni awa ke kphemhi, awa ri ekpe ali ulishi ga Eshinegba abi o ti shi,

²⁹ irari khi Eshinegba oyawa erali opfuse o khi.*

13

Ugamhi ni o ghole Eshinegba

¹ A kie ligho ke nono ingme oyi egbe ẹ abi inyoghuo.

² A ke sato mie epfese shi owa, a mu wẹ epfese. Irari khi egbo eghuo ee ke ligho, ni e ro mu egbo eghuo epfese, ni ẹa lese khi igeni e khi ni wewe e mu epfese.*

³ A ke sato eni a mu shi owa ighumha egbe abine khi eri a nu wẹ la agho. A ke sato egbo eni a na osoli egbe abine khi eri a li nu wẹ me oni osoli.

⁴ Omose ali ughue oli e mu ekpe shi angeli oyewe. Omose ali ughue oli e khi li egbe le. Irari khi Eshinegba o ya gue eni ẹ ku itsebo ali eni ẹ kia okia ẹzo.

⁵ Zobe ni agbo oye o nuata shi oghumhe ukpago, zẹ ni emini u mholi o ke khuese ẹ. Irari khi Eshinegba o o lie,

“Mhi aa tigbe ya zẹ obo,
mhia ya tsue pfa ghue.”†

⁶ Lolọ o zẹ ni awa ro ya ri igbedu lie,

“Onomhue o khi
okpaghiobo oyemhe,

* **12:29** Li zẹ iDeut 4.24 * **13:2** Li zẹ Igbae 18.1-8; 19.1-3 † **13:5**
Li zẹ iDeut 31.6,8; iJosh 1.5

mhia ya tigbe na ulishi.
Elo ọgbọ dobe ya li mhe?"‡

⁷ A pfi ẹloe bino eni e ralo na ẹ ena ẹlele. Eni e ri irudunga gue ungmehi oyi Eshinẹgba ye ẹ. A sa je abi e li ngeli ramhi ni e rọ ghua, ni a ke khonya irudunga oyewe.

⁸ IJesu iKirisiti, abeghuo ọ khi, ode, amo, ali agboagbo.

⁹ Khi ze ni osese egbholi ododa e tsua ẹ udu vu. Irari khi okhale o ri udu oyawa ze-a, ọa khi ni a ri ushi eminale gbe akanya, ni ọa kpaghie eni e rewe gbe akanya obo.

¹⁰ Ama awa mholi atete ni ekpodalo-ugamhi eyi Eshinẹgba na elemhi owa ugamhi oyi egbo iJu ẹa mholi afu ya rote le emhi iluasobo. §

¹¹ Eri Oni ọ kpeda na ekpodalo-ugamhi eyi Eshinẹgba oyi egbo iJu ọọ tsua ọlia eyi elamhako lo elemhi Asha-no-Pfuase ne nya ya rọ luase obo shi olamhe irotopfa, ama eri a rue eni idiegbe eyi eni elamhako fie ifui apfe je odagbe ya tose-a.*

¹² Onana o ze ni iJesu ọ rọ li ghu-a shi ikhokho apfe, ni ọ rọ ri ọlia eyoli ri egbo khi eni e pfuase.

¹³ Irarigho, a ze ni awa le deba li ikhokho apfe ni awa nu ọli me omama ni ọ me.

¹⁴ Irari khi agbo oola, awa aa mholi ẹoli ni o lao agboagbo, ama ẹoli ni o ya bhale awa ri ukpeloe shi eke ẹ khe.

‡ **13:6** Li ze *Iwolo 118.6* § **13:10** Emini onana o ngme khi, 'Awa mholi atete ni o khi apfida ni iJesu ọ la ri idiegbe oyoli luasobo. Ama egbo ni ẹ sa khi iluasobo ni a luase elemhi owa ugamhi oyi egbo iJu, e te ya mholi imiepfuese, ẹa mholi okemhi shi oni atete ona.'

* **13:11** Li ze *iLey 16.27*

15 Awa ri irarigho rote iJesu ke ri iluasobo ikueghie na Eshinegba. Ini awa ligho, eri awa pfi otsela shi o khi loli o khi Onomhue.

16 A khi yele onete iriele-a, ali ni a gbo ke kpaghie egbe obo, irari khi enana khi iluasobo ni e lie ti Eshinegba eloe.

17 A ke suo eso na eni e ralo na e, a ri egbe e tiemhie na omhese oyewe. Eri e ri ukpelo shi e egbe abi eni e ya rokhase abi e li gbe. A ke suo eso na we ni akanya ni ee gbe o ri oghela na we, ini o khi khi itsua na we, irari khi u wa mholi eleli ni u ya me o.

18 A ke lema na anye. Anye lese khi udu oyanye o pfuse, anye gbolo e ngeli ke mu ekpe shi egbe anye egbe odekhode.

19 Mhi gbo ga lolo lema e, a lolo lema Eshinegba o gbo remhe kele nyene egbe bhale deba e.

20 Mhi lema Eshinegba ona opfomhe, oni o ri oia oyi ishobo na agboagbo rote eghuli guise iJesu Onomhue le, ikhi Orisumha-kia oniemhi oyi isumha ogho.

21 O ri eminete nya shi e egbe ni a ro ke riele oghumhe oyoli. O gbo gbe ikanya eni e ti oli eloe shi awa egbe, rote obo oyi iJesu iKirisiti, ni o mholi ufumhi na agboagbo. Atse.

22 Inyoghuo-mhe, mhi lema e, a kuegbe-a ri eso shi oni usomhi irudusho ona, irari khi ebe ni mhi keke ghi e ena o a lolo nuata.

23 Mhia nono ni a lese khi a she rue iTimoti inyoghuo awa oga ighumha lasela. Ini o kele bhale, mhi ya roli bhale ya me e.

24 A tse eni ee ralo na e nya, ali egbo eyi Eshinegba nya. Inyoghuo awa eni e la Itili ee tse e.

²⁵ Okhale oyi Ẹshinẹgba o ka nu ẹ nya la. Atẹ.

Ebe-No-Pfuasę Ishobo Onogbo
New Testament in Ivbie North-Okpela-Arhe
(NI:atg:Ivbie North-Okpela-Arhe)

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

The New Testament

in Ivbie North-Okpela-Arhe

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 18 Apr 2025 from source files
dated 29 Jan 2022

03be06b0-68fd-500b-b9a9-6bca4b63979a